

**Аврати очиқ, ношаръий ҳолатдаги одамларга
танбех бериш лозимлиги | Ҳадис дарслари
(240-дарс)**



19:00 / 26.07.2023 3354

نُمْ نَعْلَلٰا يَضْرِدْجُونَ
سَلَجْ : لَاقَهْ فُصْلِ الْبَحْصَأَ
عُلَلٰا يَلْصَهْ لَلْوُسَرَ
يَذْخَفَ وَأَنْدَنَعَ مَلَسَوْهْ يَلَعَ
تْمَلَعَ أَمَّا : لَاقَهْ فَهَشَكْنُمَ
دُواهُ دُواهُ وَبَأْهَرَ رَوْعَ ذَخَفْلَانَأَ

وْيَذْمُرْتُ لَأْ وَبِرَاحْلٍ

Асҳоби суфпалардан бўлган Жарҳад розияллоҳу анҳудан ривоят қилинади:

**«Расулуллоҳ соллаллоҳу алайҳи васаллам ҳузуримизга ўтирдилар.
Соним очиқ эди. У зот:**

«Сон аврат эканлигини билмайсанми?» дедилар».

Абу Довуд, Термизий ва Бухорийлар ривоят қилганлар.

Жарҳад ибн Хувайлид Асламий, кунялари Абу Абдурраҳмон. У киши аҳли суфпалардан эдилар. Ҳудайбияда иштирок этганлар. Расулуллоҳ соллаллоҳу алайҳи васалламдан бир неча машҳур ҳадислар ривоят қилганлар. Ана шу ҳадислардан бири – «кишиларнинг сони ҳам авратдир» деган ҳадис.

Бу зот тўплаган ҳадислардан баъзиларини уч «Саҳиҳ» соҳиблари ўз китобларига киритишган.

Жарҳад розияллоҳу анҳу Мадинада яшадилар ва ана шу ерда Язийд ибн Муовия даврида вафот этдилар.

«Асҳоби суффа» саҳобаи киромлардан бир гуруҳига берилган ном бўлиб, уларнинг тураг жойлари бўлмаганлигидан Пайғамбар соллаллоҳу алайҳи васалламнинг масжидлари ортидаги суффада яшаб, кўпроқ Масжиди Набавийга келган хайр-эҳсонлардан кун кўрар эдилар.

Ҳозирги кунда ҳам ўша суффа ислоҳ қилинган ҳолда сақланиб қолган. Пайғамбаримиз соллаллоҳу алайҳи васаллам асҳоби суфпаларни эҳтиром қилас, кўнгилларини кўтарар, кўпинча улар билан бирга ўтирас эдилар. Ана шундай ўтиришлардан бирида ушбу ҳадиснинг ровийси Жарҳад розияллоҳу анҳунинг сонлари очилиб қолганини кўриб, у кишига:

«Сон аврат эканлигини билмайсанми?» дедилар.

Яъни, нимага сонингни очиб ўтирибсан, беркит, деганлар. Шундан сон ҳам аврат эканлиги ва аврати очилиб қолган, бошқа ношаръий ҳолатдаги одамларга танбех бериш лозимлиги келиб чиқади.

«Ҳадис ва ҳаёт» китобининг 4-жузи асосида тайёрланди.

Ушбу китоб Ўзбекистон Республикаси Дин ишлари бўйича қўмитанинг 2022 йил 18 февралдаги 03-07/1102-рақамли хуносаси асосида чоп этилган.